

ხელშეკრულება სახელმწიფო შესყიდვის შესახებ #016

ქ. თბილისი

ოქტომბერი, 2021 წელი

ერთი მხრივ ქ. თბილისის მუნიციპალიტეტის სსიპ ქ. თბილისის მუნიციპალიტეტის არქიტექტურის სამსახური (შემდგომში - შემსყიდველი) წარმოდგენილი სამსახურის უფროსის თეიმურაზ ბოლოთაშვილის სახით და მეორე მხრივ შპს „იუჯიტი“ (შემდგომში - მიმწოდებელი) მისი გენერალური დირექტორის ერმილე სულამის სახით, იმის გათვალისწინებით, რომ შემსყიდველმა ჩაატარა ელექტრონული ტენდერი აუქციონის გარეშე (NAT210016910) კომპიუტერული ტექნიკის შესყიდვაზე, კლასიფიკატორის დანაყოფიდან „კომპიუტერული მოწყობილობები და აქსესუარები“ (დანაყოფის კოდი: CPV30213300,30231310,30233132,30234600,30237120,30237280,30237410,30237460), რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე 242000.00 (ორასორმოცდაორი ათასი) ლარზე (შემდგომში „ხელშეკრულების ღირებულება“), ვთანხმდებით შემდეგზე:

(შემდგომში „ხელშეკრულების ღირებულება“).

1. ხელშეკრულების ობიექტი

1.1 ხელშეკრულების ობიექტი: კომპიუტერული ტექნიკის შესყიდვა (დანაყოფის კოდი: CPV30213300,30231310,30233132,30234600,30237120,30237280,30237410,30237460).

1.2 შესყიდვის ობიექტების ერთეულის ფასები და დაწერილებითი მონაცემები მოცემულია ხელშეკრულების დანართში (ფასების ცხრილი), რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საერთო ღირებულება

2.1 ხელშეკრულების საერთო ღირებულება შეადგენს 242000.00 (ორასორმოცდაორი ათასი) ლარს.

2.2 ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით გასაზღვრულ ყველა გადასახდელს.

3. საქონლის მოწოდების პირობები, ვადები და ადგილი

3.1 პრეტენდენტმა შესყიდვის ობიექტის მოწოდება უნდა უზრუნველყოს ხელშეკრულების გაფორმებიდან 2021 წლის 20 დეკემბრის ჩათვლით.

3.2 ქ. თბილისი, შარტავას ქ. #7, მეოთხე სართული.

4. შესყიდვის ობიექტის საგარანტიო ვადა და პირობები

4.1 პროცესორებზე და მონიტორებზე, საგარანტიო ვადა უნდა შეადგენდეს მიღება-ჩაბარების აქტის გაფორმებიდან არანაკლებ 3 წელს, ხოლო უწყვეტი კვების წყაროებზე - მიღება-ჩაბარების აქტის გაფორმებიდან არანაკლებ 2 წელს სატა SSD და ფლეშმეხსიერებაზე ერთი წელი

4.2 საგარანტიო პერიოდში მოწოდებული საქონლის მიერ წუნის/დეფექტის/ხარვეზის გამოვლენის ან მწყობრიდან გამოსვლის შემთხვევაში, მიმწოდებელი ვალდებულია შემსყიდველის დავალებიდან არაუგვიანეს 10 (ათი) კალენდარულ დღეში შეაკეთოს ან შეცვალოს ახლით წუნის/დეფექტის/ხარვეზის მქონე ან მწყობრიდან გამოსული საქონელი. აღნიშნული საგარანტიო ვადა საჭიროების შემთხვევაში შეიძლება გაიზარდოს ურთიერთშეთანხმების საფუძველზე, მაგრამ არაუმეტეს 30 (ოცდაათი) კალენდარული დღით.

4.3 საგარანტიო მომსახურების გაწევა უნდა განხორციელდეს პრინტირების მწარმოებლის მიერ საქართველოში ავტორიზირებულ სერვის-ცენტრში ან მწარმოებლის პარტნიორ სერვის-ცენტრში.

4.3 წუნის/ხარვეზის/დეფექტის მქონე საქონლის შეკეთების ან შეცვლის შემთხვევაში საქონლის ტრანსპორტირება უნდა უზრუნველყოს მიმწოდებელმა.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და შემოწმონ გაწეული მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებით გაწეული მომსახურების ხელახალი შესრულება.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებს სამსახურის მონაცემთა ბაზების მართვაზე პასუხისმგებელი პირი ირაკლი სეზ/იკვერამე.

6. შესყიდვის ობიექტის მიღება-ჩაბარების წესი

6.1. შემსყიდველის მიერ ხელშეკრულების ობიექტის მიღება ფორმდება მიღება-ჩაბარების აქტით შემსყიდველის და მიმწოდებლის უფლებამოსილი წარმომადგენლების ხელმოწერით. შემსყიდველის მხრიდან მიღება- ჩაბარების აქტების გაფორმებაზე უფლებამოსილ პირებს წარმოადგენენ სამსახურის უფროსის მოადგილე(ები), მთავარი ბუღალტერი, ბუღალტერი და წინამდებარე ხელშეკრულების მე-5 მუხლის 5.4 პუნქტში მითითებული პირი.

6.2. თუ შესყიდვის ობიექტი არ აკმაყოფილებს შემსყიდველის მოთხოვნებს იგი უფლებამოსილია ინსპექტირებაზე პასუხისმგებელი პირის დასკვნის საფუძველზე მოითხოვოს არსებული ხარვეზების გამოსწორება. ხარვეზების გამოსწორებამდე შემსყიდველი უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე, რის შესახებაც ეცნობება მიმწოდებელს.

6.3. გამოვლენილი დეფექტის ან ნაკლის აღმოფხვრასთან, ხელახალ ინსპექტირებასთან დაკავშირებული ხარჯების, ასევე მესამე პირისათვის მიყენებული ზიანის ანაზღაურება ეკისრება მიმწოდებელს.

6.4. მიღება-ჩაბარების აქტის გაფორმებასთან ერთად შემსყიდველს წარედგინება ანგარიშსწორებისათვის საჭირო ყველა სხვა დოკუმენტი.

7. ანგარიშსწორების ფორმა, გრაფიკი (ვადები) და ადგილი

7.1. მიმწოდებელთან ანგარიშსწორება განხორციელდება ლარში;

7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3. წინასწარი ანგარიშსწორება გათვალისწინებული არ არის.

7.4. ანგარიშსწორება „შემსყიდველის“ მიერ მოხდება შესყიდვის ობიექტის მიწოდებისა და წინამდებარე ხელშეკრულების 6.4. მუხლში მითითებული დოკუმენტაციის წარმოდგენის შემდეგ არაუმეტეს 10 (ათი) სამუშაო დღის ვადაში.

7.5. იმ შემთხვევაში, თუ „მიმწოდებელი“ დაარღვევს მიწოდების ვადებს ან სხვა გარემოებების გათვალისწინებით დაეკისრება პირგასამტეხლოს გადახდა, საჯარიმო სანქციის გამოყენებასთან დაკავშირებით შეტყობინებიდან 10 (ათი) სამუშაო დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება- ჩაბარების აქტით განსაზღვრული გაწეული მომსახურების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

8. საპატენტო უფლებები

8.1. საქონლის ან მისი მებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

9. მხარეთა პასუხისმგებლობა ხელშეკრულების დარღვევისას

9.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. ხელშეკრულებით ნაკისრი ვალდებულებების შესრულების ვადების დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით, იმ შემთხვევაში თუ ხელშეკრულების ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ჯამური ღირებულების 0.20%-ს მაშინ შემსყიდველს უფლება აქვს გავიდეს ხელშეკრულებიდან და მოსთხოვოს მიმწოდებელს ხელშეკრულებიდან გასვლის მომენტისათვის გადასახდელი პირგასამტეხლოს ანაზღაურება.

9.3. მიმწოდებლის მხრიდან ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში გარდა ხელშეკრულების 9.2. ქვეპუნქტით გათვალისწინებული შემთხვევებისა, მიმწოდებელს დაეკისრება ჯარიმა ხელშეკრულების საერთო/ჯამური ღირებულების 5%-ის ოდენობით. იმ შემთხვევაში თუ არაჯეროვანი შესრულების შემთხვევაში დაკისრებული პირგასამტეხლოს ჯამური თანხა აღემატება 10% -ს შემსყიდველ უფლება აქვს ცალმხრივად შეწყვიტოს ხელშეკრულების მოქმედება და მოსთხოვოს მიმწოდებელს გასვლის მომენტისათვის არსებული გადასახდელი პირგასამტეხლოს ანაზღაურება.

9.4. მიმწოდებლის მხრიდან ხელშეკრულებით ნაკისრი ვალდებულებების ნაწილობრივი შესრულების შემთხვევაში შემსყიდველს უფლება აქვს მიმწოდებელს დააკისროს ჯარიმა ხელშეკრულების შესასრულებელი (დარჩენილი) ვალდებულებების შესაბამისი ღირებულების 10%-ის ოდენობით.

9.5. მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის შემთხვევაში შემსყიდველს უფლება აქვს მიმწოდებელს დააკისროს ჯარიმა ხელშეკრულებით გათვალისწინებული მთლიანი ღირებულების 20%-ის ოდენობით.

9.6. საჯარიმო სანქციების გადახდა არ თავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულების პირობების გადასინჯვის შესაძლებლობა

10.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი

ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10.3 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.4 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს იგზავნება საფოსტო გზავნილით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება სატელეფონო შეტყობინების ან ელექტრონული ფოსტის მეშვეობით გაგზავნის გზით.

10.5 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.6 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით-მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე ჩაითვლება ხელშეკრულების განუყოფელ ნაწილად.

11. ფორს-მაჟორი

11.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია მათგან დამოუკიდებელი გარემოებით, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

11.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

12.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

13. სადავო საკითხების გადაწყვეტა

13.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპანენტების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს, დავის გადაწყვეტის მიზნით, შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

14. გადასახადები და დახვეწა

14.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდებლების გადახდაზე, რომლებიც გადასახდელია საქართველოს ფარგლებში და მის გარეთ.

14.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდებლების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

15. ხელშეკრულების შესრულების უზრუნველყოფის საბანკო გარანტია

15.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება საბანკო გარანტიების მექანიზმის შემდეგი სახე - უპირობო, გამოუთხოვადი ხელშეკრულების შესრულების უზრუნველყოფის გარანტია, სატენდერო დოკუმენტაციის 6.1 პუნქტით მოთხოვნილი ოდენობის ხელშეკრულების უზრუნველყოფის გარანტიის ნახევარი, ხელშეკრულების საერთო ღირებულების 2%-ის ოდენობით, რომელიც თან ერთვის ხელშეკრულებას და წარმოადგენს მის განუყოფელ ნაწილს.

15.2 მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

15.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

16. სხვა პირობები

16.1. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

16.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილი მხარეთა მიერ.

16.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16.6 მხარეები სრულად არიან პასუხისმგებლები მათ მიერ ხელშეკრულებაში მითითებული რეკვიზიტების სისწორეზე, რეკვიზიტების ცვლილების თაობაზე მეორე მხარეს ეცნობება წერილობით.

16.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება სატელეფონო შეტყობინების ან ელექტრონული ფოსტის მეშვეობით გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში, თუ მხარისთვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაიდვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16.8. „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომრებაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.9 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“, მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას

(ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17. ხელშეკრულების მოქმედების ვადა

17.1 ხელშეკრულების მოქმედებს 2024 წლის 31 იანვრის ჩათვლით, მაგრამ ყველა შემთხვევაში მხარეთა მიერ ნაკისრი ვალდებულებების სრულ და გეროვან შესრულებამდე.

18. მხარეთა რეკვიზიტები:

შემსყიდველი ქ. თბილისის მუნიციპალიტეტის არქიტექტურის სამსახური ს/კ 205270053 მის: შარტავას ქ. #7 ბანკი: სახელმწიფო ხაზინა TRESGE 22, სახაზინო კოდი 1020 <i>თ. ძეგაძე</i> თეიმურაზ ზოლოთაშვილი სამსახურის უფროსი	მიმწოდებელი შპს „იუჯიტი“ ს/კ 204892964 მის: ქ. თბილისი, ჭავჭავაძის 17ა ბანკი: სს „თიბისი ბანკი“ ბ.კ: TBCBGE22 ანგ. ნომერი: GE05 TB06 0000 0005 4672 91 ერმილე სულაძე გენერალური დირექტორი 
--	--



ქ. თბილისი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: შპს იუ-ჯი-თი (შემდგომში „პრინციპალი“)

პრინციპალის საიდენტიფიკაციო კოდი: 204892964

პრინციპალის მისამართი: საქართველო, თბილისი, ვაკის რაიონი, ჭავჭავაძის გამზირი, №17ა

ბენეფიციარი: ქალაქ თბილისის მუნიციპალიტეტის საჯარო სამართლის იურიდიული პირი - ქალაქ თბილისის მუნიციპალიტეტის არქიტექტურის სამსახური (შემდგომში „ბენეფიციარი“)

ბენეფიციარის საიდენტიფიკაციო კოდი: 205270053

ბენეფიციარის მისამართი: საქართველო, თბილისი, ვაკე-საბურთალო / შარტავას 7

საგარანტიო თანხა: 4,840 (ოთხი ათას რვაას ორმოცი და 00/100) ლარი

ტენდერის უნიკალური ნომერი: NAT210016910

შედეგობაში ვიღებთ რა, რომ პრინციპალმა კომპიუტერული ტექნიკის შესყიდვის მიზნით წარდგენილი სატენდერო წინადადების შესაბამისად იკისრა ვალდებულება წარმოდგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანხმა ვართ გავცეთ პრინციპალის სახელზე აღნიშნული უპირობო და გამოუთხოვადი საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 4,840.00 (ოთხი ათას რვაას ორმოცი და 00/100) ლარი და ვკისრულობთ ზემოთ აღნიშნული თანხის, გადახდის პრინციპალის მიერ ხელშეკრულების პირობების დარღვევის შემთხვევაში ბენეფიციარის პირველივე წერილობითი მოთხოვნის წარმოდგენის საფუძველზე, მოთხოვნის მიღებიდან მომდევნო 5 (ხუთი) საბანკო დღის ვადაში.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ იქნება მოთხოვნილი თანხა ციფრობრივად და სიტყვიერად, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან. დამატებითი მტკიცებულებების წარმოდგენის საჭიროების გარეშე, მოთხოვნას თან უნდა ერთვოდეს მოთხოვნაზე ხელმოწერილი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჯაროდ ხელმისაწვდომია) და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 20 იანვარი 2022 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

გემოთქმულიდან გამომდინარე, ბენეფიციარის მიერ წარმოდგენილი წერილობითი მოთხოვნის ორიგინალი დოკუმენტი თანხის ანაზღაურებაზე, გარანტის მიერ მიღებულ უნდა იქნას გარანტიის მოქმედების ვადის ჩათვლით სს „საქართველოს ბანკის“ სათავო ოფისში, კანცელარიის სამსახურში, ვაჭრობის სტრუქტურული დაფინანსების დეპარტამენტის საყურადღებოდ, თბილისის დროით (UTC / GMT +04:00 საათი) 17:00 საათის ჩათვლით, შემდეგ მისამართზე: გაგარინის ქ. #29ა, თბილისი 0160, საქართველო.

საბანკო გარანტია ავტომატურად უქმდება/მცირდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით;
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია;
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმით;
- ბენეფიციარის მიერ საბანკო გარანტიის თანხის შემცირების შესახებ წერილობითი შეტყობინებით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე, საბანკო გარანტია რეგულირდება საქართველოს კანონმდებლობით.

თამარ ჭანტურიძე

ადგილობრივი გარანტიების მენეჯერი



სს „საქართველოს ბანკი“
გაგარინის ქ. №29ა
თბილისი 0160, საქართველო

JSC Bank of Georgia
29A Gagarini Str.,
Tbilisi 0160, Georgia



შპს იუ ჯი თი
 ჰავეაბის გამზირი 17ე
 0179 თბილისი, საქართველო
 +995 32 222 05 05
 ს/კ 204892964

თარიღი: 9/20/2021

ფასების ცხრილი/ხარჯთაღრიცხვა

საქონლის დასახელება წარმოშობის ქვეყანა, მწარმოებელი ფირმა, მარკა/მოდელი	ტექნიკური მახასიათებლები (ივსება პრენედენტის მიერ კონკრეტული მოდელის პარამეტრების შესაბამისად)	რაოდენობა	ერთეულის ფასი	საერთო ღირებულება	გარანტია	მიწოდების ვადა
1	2	3	4	5	6	7
მწარმოებელი: Dell მოდელი: OptiPlex 7090 Tower წარმოშობის ქვეყანა: პოლონეთი	Dell OptiPlex 7090 Tower Intel® Core™ i7-10700K ბირთვების რაოდენობა - 8; ნაკადების რაოდენობა - 16; ქეში - 16MB; ბაზისური ტაქტური სიხშირე - 3.8Ghz; მაქსიმალური ტაქტური სიხშირე - 5.1Ghz; ოპერატიული მეხსიერება 16GB DDR4-2933 (2x8GB); მყარი დისკი 256GB SSD M.2 და HDD 1TB 7200 rpm; ვიდეო ბარათის მახასიათებლები(GPU Specs) NVIDIA GeForce GTX 1660 Super, 6GB Standard Memory Config - 6GB; Memory Interface - GDDR6; CUDA Cores - 1408 Memory Interface Width - 192-bit Memory Bandwidth (GB/sec) - 336 (Shader Model 5.1, OpenGL 4.5, DirectX 12.0, Vulkan 1.0 მხარდაჭერით) პორტები - 1 x DisplayPort, 1 x HDMI, 1 x DVI დისკის წამოიხველი: DVD დისკების წაკითხვა ჩაწერის ფუნქციით Networking Qualcomm® QCA9377 Dual-band 1x1 802.11ac Wireless with MU-MIMO + Bluetooth 5.0 with Internal Antenna 802.11b/g/n (1x1) 802.11ac 1x1 WiFi Power supply 500W 90% ეფექტურობა. ზომა და წონა 36,7 x 16,9 x 30,8 სმ კომპიუტერის მოყვება მაუსი და კლავიატურა; ვრცელდება მწარმოებლის 3 წლიანი გარანტია;	30	7,205.00 ლ	216,150.00 ლ	3 წელი	არაუგვიანეს 2021 წლის 20 დეკემბრისა
მწარმოებელი: Dell მოდელი: P2722H წარმოშობის ქვეყანა: ჩინეთი	Dell 27 Monitor - P2722H ეკრანის ზომა - 27 ინჩი ტიპი: IPS; სიკაშკაშე - 300 cd/m² გაფართოება - FHD (1920 x 1080 @ 60 Hz) ხედვის კუთხე - 178 ჰორიზონტალური 178 ვერტიკალური გამოხმაურების დრო (GTG) - 5მწმ შეერთება - 1 x DisplayPort, 1 x HDMI, 1 x VGA რეგულირებადი სადგამი Swivel (-45° to 45°); Pivot (-90° to 90°); სიმაღლეში რეგულირება 150mm; მონიტორის მოყვება ყველა საჭირო კაბელი, მოთხოვნილ კომპიუტერთან დასაკავშირებლად. ვრცელდება მწარმოებლის 3 წლიანი გარანტია.	10	1,173.00 ლ	11,730.00 ლ	3 წელი	არაუგვიანეს 2021 წლის 20 დეკემბრისა
მწარმოებელი: Genius მოდელი: DX-120 წარმოშობის ქვეყანა: ჩინეთი	ოპტიკური (Scroll-ის ფუნქციით); დაკავშირება - USB; კაბელის სიგრძე არანაკლებ 135 სმ	46	15.00 ლ	690.00 ლ	N/A	არაუგვიანეს 2021 წლის 20 დეკემბრისა
მწარმოებელი: Genius მოდელი: KB-100 წარმოშობის ქვეყანა: ჩინეთი	სტანდარტული 104 კლავიშინი; დაკავშირება - USB; კაბელის სიგრძე არანაკლებ 140 სმ	46	25.00 ლ	1,150.00 ლ	N/A	არაუგვიანეს 2021 წლის 20 დეკემბრისა
მწარმოებელი: VCOM მოდელი: CG631-1.8 წარმოშობის ქვეყანა: ჩინეთი	DisplayPort - კაბელის სიგრძე არანაკლებ 150 სმ	30	20.00 ლ	600.00 ლ	N/A	არაუგვიანეს 2021 წლის 20 დეკემბრისა
მწარმოებელი: VCOM მოდელი: CG525-R-1.8 წარმოშობის ქვეყანა: ჩინეთი	HDMI - კაბელის სიგრძე არანაკლებ 150 სმ	30	12.00 ლ	360.00 ლ	N/A	არაუგვიანეს 2021 წლის 20 დეკემბრისა

მწარმოებელი: APC მოდელი: BV1000I-GR წარმოშობის ქვეყანა: ჩინეთი	APC BV1000I-GR UPS-ის ტიპი - ინტერაქტიული (line-interactive) სიმძლავრე - 1000V გამოშვადი სიმძლავრე: 600 W ბატარეაზე გადართვის დრო: 6 მწ AVR: კი შეშვადი პარამეტრები ნომინალური შეშვადი ძაბვა: 230V მინიმალური ძაბვა: 170 V მაქსიმალური ძაბვა: 280 V სიხშირე: 50/60 Hz +/- 5 Hz Auto-sensing გამოშვადი პარამეტრები ნომინალური ძაბვა: 230 V სიხშირე: 50/60 Hz +/- 1 Hz Unsynchroised გამოშვადი პარამეტრები გამოშვადი ბუდეების რაოდენობა: 3 მაღალი ძაბვისგან დაცვა: კი ფილტრაცია და დაცვა იმპულსების ჩაბშობა: 156 Joules ელემენტის ვარგისიანობის დეტექტორი: კი მოკლე ჩართვისგან დაცვა: კი ზომა (WxDxH): 16.05x30.5x9.25 სმ; წონა: 5,7კგ ვრცელდება მწარმოებლის 2 წლიანი გარანტია.	32	277.00 ლ	8,864.00 ლ	2 წელი	არაუგვიანეს 2021 წლის 20 დეკემბრისა
მწარმოებელი: Samsung მოდელი: Samsung 870 Evo MZ-77E500BW წარმოშობის ქვეყანა: კორეა	SSD 500GB – 2.5 inch SATA III Internal Solid State Drive ვრცელდება 1 წლიანი გარანტია	6	310.00 ლ	1,860.00 ლ	1 წელი	არაუგვიანეს 2021 წლის 20 დეკემბრისა
მწარმოებელი: Kingston მოდელი: DTDE/32GB წარმოშობის ქვეყანა: ტაივანი	ტევალობა - 32 GB; წაკითხვის სიჩქარე არანაკლებ 20 MB/s; ტიპი - არანაკლებ USB 3.0 ვრცელდება 1 წლიანი გარანტია	20	29.80 ლ	596.00 ლ	1 წელი	არაუგვიანეს 2021 წლის 20 დეკემბრისა

* საქონლის მიწოდება მოხდება მისამართზე - ქ. თბილისი, მარტავას ქ. #7, მეოთხე სართული

** პროცესორებზე და მონიტორებზე, საგარანტიო ვადა შეადგენს მიღება-ჩაბარების აქტის გაფორმებიდან 3 წელს, ხოლო უწყვეტი კვების წყაროებზე - მიღება-ჩაბარების აქტის გაფორმებიდან 2 წელს სატა SSD და ფლეშმეხსიერებაზე ერთი წელი

პრეტენდენტის დასახელება შპს იუ ჯი თი

ხელმოწერა

